

止齋先生文集



数据加载失败，请稍后重试！

止齋先生文集卷之四

古詩

始生七章章八句上 皇子嘉王生辰

生為帝子貴本自歷數歸歷數萬億年帝子壽無期今夕果
何夕欲頌皆贅辭但願王此心無忘始生時王看松柏明未
具巢與枝冲然一點春其大可十圍云胡問不茂為失雨露
滋乃知生意同其異各所罹人均此生爾王生樂無涯如持
與人同請自今夕推奉觴一何多予以介壽祺王其敬舉觴
一念周八維百鼎羅珍羞世豈無調飢錦綺爛盈門監綬還
誰承龍樓近日月芽含或不支三宮子孫孫亦有孤與婆吾
方貴吾生相彼多玷危豈伊天地公而獨及我私於焉識仁
端一物豈忍遺當思宇宙間壽域咸熙熙獵人愛麋麋漁人
愛鯉鯉萬物欣自遂况也民秉彝家有舉按婦人有應門兒

王心至於此壽不數者願詩人誦稷功造周本岐嶷首言民
初生次及稷誕彌民命繫於稷此語非夸毗末僚甚拳拳所
愧無周詩

送丘宗卿帥蜀戶部侍郎立公被

命以煥章閣直學士出帥全蜀其友生永嘉陳某作
詩三章送之一章以重別也二章頌也三章以遠其
歸也

嘗陪諸老後示與晚進游有能一夕話可洗萬古愁昔君尚
青衫今我已白頭閣下何匆匆蜀江正悠悠一請工治庖再
請拙操舟

好靜從古始尚恩極今時寧使舉國貧勿與一士遺熙寧固
前轍元祐誠良醫我亦欲宴興人方乏朝炊持之訊人傑人
傑良自疑

前瞻及河隴內顧連江沅邊籌尚裨壓民瘴湏按抄方當上
懷遠况復歲薦瘥宜公去忱輕歲月亦易多西人豈不好奈
此東人何

短歌送呂子約丞郡天台

露荷不肯附綠漲石榴自欲當朱明我無一物與君別持此
薦以雙玉親榴花結子荷成的定亦扁舟去為客良集偏於
吾輩堅新功或向他山得我歌雖短聲苦長君不能飲頌滿
觴申公何在麗澤死又送冥鴻謀稻梁

送黃子聞得縣瑞安

西都循吏無墨綬密令忽用為三公仁人遭時乃自見不係
官爵行與隆黃君崎嶇髮半白得縣吾州滄海東平生經術
久未試今幸小試難為功休聲出自士論衆遺愛見於民力
窮如君作吏豈擇便第勿謂難斯令終嗟余欲歸歸未得觀

政不在漁樵中逢人每似卓傳傳此道萬古君王同

送陳仲孚還里

意勝不受暑交深欲忘言子車今日脂我經何時箋卜簪豈
無疇頌猶亦有園掛冠特易耳奈何子盛年

教授李夢符惠宣聖畫像用韻奉酬

一藝必有師尚論襄與夔一國必有師尚論骨與伊信知師
道尊分與君父夷吁嗟文王沒斯文屬之誰微言二十篇論
次自學而傳之者顏曾其後則子思方當周之衰諸子出惟
奇王公各師承一語可解頤見之擁篲迎不見頻其眉孟子
獨推尊是惟聖之時苟不本孔氏皆放其淫詞於是尊孔孟
誕作百世師自非戎翟秦孰肯此道馳本朝郡為學溥海尸
祝之往往屈萬乘降升廟庭垂我作暮春堂魯論以自隨扁
題落天上鬼遁蛟龍移江山護昭回誰敢或訕嗤中有夫子

像來從魯家兒廣文以遺我溫屬尚可追吾今得吾師下視衆說卑世世萬子孫永此巢一枝

還徐叔子犀帶

徐子贈我舊寶犀宣和國工所事治玄玉十截黃四垂厚且半寸徑尺圍方廉整不刻毫釐金飾諸末柔丹韋貢之止齋光祿離天吳海若不敢窺奈何骨相堪衰衣自得此帶逢百羅我服黑角二紀餘歲月幾半蒙蛛絲識與不識皆歎歎恨不被拂來降瑋湖湘老把乘邊麾次第三節登王畿脩門再入留郎闈上皇一見玉色怡闊步蓬山上如螭向者所恨今交譏懼瀝肝膽得請歸自意永與漁樵嬉急詔遣際潛龍飛誤恩狎至湛露斯古來逾分天不宜百炊未消萬事非還觀攢中一解頤吾腰安用爾帶為徐子盛年脩幹支才華不數紛紛兒請以帶去藏待時拖金縣玉未可知招招車騎

來何遲苦勿留此令我悲君不見在昔十圍終失之終朝三
攬事尤危况我昏睡誰護持亦恐夜半神運蛟龍移

憶筇杖

岷峨山下筇竹杖危者使安衰可壯秦皇漢武窮兵不可得
我獨得之今丞相前年有旨還故園其冬急召朝日邊半歲
驅馳數千里賴有此杖常扶顛倉黃又別脩門去私室無人
謹呵護夜半雷霆下取將兒叫妻啼留不住我聞丞相卜峽
時一物無有杖自隨屬當晏朝立仗久憐我弱脛疲切螬如
今步履隨衰草十步趑趄九步倒假如杖在欲用之山精海
怪震怒亦不保君不見杜陵桃竹歌常恐失之君山湖上之
風波梓潼使君之贈尚爾耳况自丞相還如何

蘭花供壽國舉兄

山丹吹出青藜火金蝶窺叢何婀娜朱槿更作猩袍紅奪道

風人嘗印可詩
嶺松嶺嶺波利從旁粲然笑
奄有諸香誰似我
素馨蕭然山澤
曜至香不數脂粉
腹衆芳固自有醞藉要
是傍人之庭除何如琉璃
千頃水涵碧淤泥不解
汙笑渠幽蘭獨自倚
脩竹生米未始受諸
觸深知抱此竟安用
周多亦豈笑渠福若
以滋味屬厭人
齏粉此身人不足
今夕何夕新風露
入秋一雨天西顧
止齋有兄永難老
止齋之弟愛莫助
但以清白傳之萬
子孫歲供蘭花美
無度

東陽郭希呂山園十詠

幽人有遐心
鄴屋涵澄空
况復得此山
心事與境同

石清曠亭

一壑亦易得
安得桂林林
道人偶見之
不是歲月深

右桂壑

兩崖束青天
中有月皎皎
乍可謂月低
不可謂天小

右月峽

促膝有仙凡爛柯無小大誰知樵源人不在秦晉外

右小爛柯

嘗聞鳳棲梧梧老鳳未棲令我日佇立不知月東西

右傾月

雲以無心出雲歸亦何心樵牧窺其藏妄意此阻深

右閔雲關

清曉閱草木各具天一水安用學食玉將以蘄不死

右玉泉

涓涓自空來霏霏復不見安得自尤物使我耳目亂

右飛雪

凭欄時獨立萬象皆見前若非着眼高亦是天一偏

右壺天閣

鬻釜吾已溉吾纓亦無塵窪石以渚之恐有抱甕人

右石井

送郭希呂

我門閑重重我徑阻且深梅花獨相依聊以慰我心美人從
何來崎嶇自幽尋亦於琢冰中而和南風琴菜甲尚可羹
芻足同斟不知歲已華歸興生霜砧欲別復少住棲鳥歸月
林客去鳥翔飛落花滿牆陰

水仙花

江梅丈人行歲寒固天姿蠟梅微着色標致亦背時胡然此
柔嘉支本僅自持迺以平地尺氣與松篁夷粹然金玉相承
以翠羽儀獨立萬槁中冰膠雪垂垂水仙誰強名相宜未相
知刻畫近脂粉而况山谷詩吾聞抱太和未易形似窺當其
自英華造物且霽威平生恨剛褊未老齒髮衰撥花實瞻瓶

吾今得吾師

止齋曲廊初成

但酒勝如水但花勝如草小廊曲通幽竹椽亦良好止齋十數間足以便衰老簷低遠風露地窄易汎掃淺溪浮薄觴短屏糊舊橐著書僅玄易過客多韋編於中榜退思誰其諒深抱吾思亦已晚吾退益更早懷哉彭澤令仰止南山皓維淵有潛龍維岳有藏寶煌煌暮春堂三字落穹昊昭回際南極鎮撫及東島胡然迺在斯夙夜惧不保鬼神無世情呵護必有道

次沈儉夫求花木韻

我意何不樂我顏復何悞止齋有新畬耕犢角已繭止齋有溪水釣席隨所展兩山夾精舍佳處迫廬峴朋來盡名流燕坐皆勝踐頽然止齋翁心故不可轉厭書或窺園乘興時陟

獻日月之淑虧木陰自幽顯雨露之密疎草色自深淺翁子
一鵬詠初不着姝嬖易老探醇駁風騷較寬褊眠食雖甚佳
病患益加勉謗隘况所招訟詎那能辨於焉吏悟入豈但苛
排遣寄言子沈子所欲果何件葭承春田冥鴻脫秋網谷
蘭猶見紉月桂不可寒慕遠失之近求多得常鮮請以壯縣
才從茲益懷卷深居勿近市隘巷莫容輦有花門擁篲無花
地生鮮嘗試玩喧寂何者是貞并舊學枉初心新必費重研
何如遏止齋我亦精文選

春晚書懷二首奉簡陳益之

百舌喜太甚杜鵑恨何深曉曉斯黃鸝律中宮之音物情自
不齊天運初無心道人獨領會杖藜立芳陰
百卉得雨露華滋巧相娛但知說姚魏河洛竟何如我方悟
吾生箋經未成書安得小學師從之注虫魚

題沈仲一所藏周氏羣公書帖

紛紛世上如落花東風即入西鄰家
要亦餘事吾何嗟斯人故國之喬木
枝葉胡然亦派落吾生已晚講聞熟
見欲墮淚那忍讀古來道德功名上
傳世不曾綠物重君不見人間秦
漢昇彝銘與頌子子孫孫永實用

贈章虞卿并序

虞卿相別久意其困場屋舍而它之也
忽以書說來余喜甚留數日晤語不
但說書諸學無不涉也又愛之甚欲
作一詩亟稱之輒不就虞卿促歸姑贈
數語

章子一別二十年以來街袖書一編自
出已意說百篇至說五諾尤愕然我今
萬事付幽屏是書插架漫不省子之書
意吾已領且探梅花試湯餅

題僧法傳為沈仲一畫聽松圖

古松不知幾千年直幹欲上干青天
樛枝下與人世接冷風過之萬壑喧
猿驚鶴恠樵牧遁百鬼愁絕誰徇邊
紛紛海內絲竹耳何處縹緲來臞仙
整襟拱聽移永日置琴弗顧僮歌眠
松風有際意無盡莊騷不數惟易玄
嗟乎深山大澤松不乏斯人往往千載之陳
編筆端若有夜半力一日忽在軒楹
前止齋虛靜對立久晴昊亦為生蒼烟
畢宏常偃骨已朽畫工一世脂粉便北湖
居士安得此奄有二子雲山傳北湖居士
雲山傳吾詩孰與杜老起九原

送畫僧法傳

雪菴禪師從瑾之弟子

問訊雪庵今何如子來搔首更踟躕
時於戲墨窺禪悅尚想家傳及緒餘
曾點尔各言尔志陶潛吾亦愛吾廬
誰人解寫二歸意欲放風帆還撻祛

題瑞安寧朱元成乃祖雲壑莊圖

功成不受富貴汗輕舟扁然下五湖至今風流在姑蘇我復見此雲壑圖兩坡喬木樛相扶殘山剩水千里餘天際未知何有無一葦橫絕雙風蒲楊花春岸秋萼鱸在在着此儒仙臞世無宗師貌不如誰其嗣之吾大夫

詠梅分韻得藥字

惜樹須惜枝看花須看藥枯瘦發纖穠况此具衆羨千林墮黃埃數點昭青泚誰知霜雪深天意欲玉女

送蕃叟弟赴江西帥幕分韻得獨字

生平未省友松竹愛言從宦輸幽獨子也諸侯老賓客襆被僅緣升斗祿為問江神何世情霽月光風送帆幅天意元來向事功謹毋遐心自金玉

鼓琴行送許深父同知被詔赴闕并序

迺季秋朔旦上御祥琴公亦始兒喪蓋五日而趣召至